

8. gr.

Reglugerð þessi er sett samkvæmt ákvæðum laga nr. 44 5. apríl 1948, um vísindalega verndun fiskimiða landgrunnsins og ákvæðum laga nr. 81 31. maí 1976, um veiðar í fiskveiðilandhelgi Íslands, til þess að öðlast þegar gildi og birtist til eftirbreytni öllum þeim, sem hlut eiga að máli.

Sjávarútvegsráðuneytið, 11. júlí 1978.

Matthías Bjarnason.

Jón L. Arnalds.

REGLUGERÐ

um tollfrjálsar verslanir á Keflavíkurflugvelli á vegum ríkisins.

1. gr.

Starfræktar skulu, á vegum ríkisins, sölubúðir á Keflavíkurflugvelli, er selja tollfrjálsar vörur, farþegum og áhöfnum millilandaflugvéla. Nafn sölubúðanna skal vera: Frihöfnin, Keflavíkurflugvelli.

Í Frihöfninni má selja hvers konar varning, eins og tíðkast í frihöfnum erlendis.

Í sölubúð þeirri, sem ætluð er farþegum og áhöfnum, sem eru að koma til landsins, skal þó aðeins heimilt að selja eftirtalinn varning, svo sem tíðkast hefur, og innan eðlilegra takmarka, að mati tollgæslunnar:

Áfengi, tóbak, sælgæti, ilmvötn, snyrtivörur og filmur. Utanríkisráðherra getur heimilað fleiri tegundir varnings, ef ástæða þykir til.

2. gr.

Frihöfninni skal stjórnað af frihafnarstjóra og framkvæmdastjóra fjármála, sem skipaðir eru af utanríkisráðherra. Bera þeir ábyrgð á rekstri hennar samkvæmt erindisbréfi, sem utanríkisráðherra setur þeim. Störf þeirra heyra beint undir utanríkisráðuneytið. Annað starfslið, sem nauðsynlega þarf við daglegan rekstur Frihafnarinnar, skal ráðið af framkvæmdastjóra fjármála í samráði við frihafnarstjóra með samþykki ráðuneytis.

3. gr.

Að því er varðar farþega og áhafnir, sem eru að fara af landi brott, skal tollgæslan á Keflavíkurflugvelli sjá um og bera ábyrgð á, að gætt sé nauðsynlegra varúðarráðstafana um meðferð seldrar vöru, uns komið er um borð í flugvél þá, sem er á förum.

Þá skal þess og gætt, að farþegar og áhafnir, er versla við komu til landsins, færi varning sinn beint til tollgæslumanns.

4. gr.

Frihöfnin fær, uns annað kann að verða ákveðið, til umráða í flugstöðvarbyggingunni á Keflavíkurflugvelli húsnæði fyrir skrifstofur og sölubúðir ásamt birgðageymslum, eftir því, sem mögulegt er og reksturinn krefst á hverjum tíma, svo og birgðaskemmur innan flugvallarsvæðisins, eftir því, sem þörf krefur.

5. gr.

Frihöfnin skal halda nákvæma skrá (birgðabók) um allar vörur, sem fluttar eru til Frihafnarinnar.

Pegar vörur eru seldar til Friðhafnarinnar skal fylgja þeim nákvæm skýrsla til tollgæslunnar á Keflavíkurflugvelli, þar sem tilgreint er hvaða vörur er um að ræða í hverri sendingu, og skal tollgæslan bera ábyrgð á og hafa eftirlit með, að vörur þessar séu fluttar til Friðhafnarinnar.

6. gr.

Pegar heimilt er að endurgreiða innlent tollvörugjald eða aðflutningsgjöld af hráefni í iðnaðarvöru við útflutning, ber að endurgreiða nefnd gjöld ef Friðhöfnin kaupir slíkar vörur sem söluvarning. Skulu gjöldin endurgreidd þá er varan er komin í tollvörugæmslur, skv. vottorði tollgæslumanns.

7. gr.

Friðhöfninni er heimilt að annast innflutning á öllum varningi, sem hún óskar að selja á sínum vegum.

Einnig er Friðhöfninni heimilt að kaupa vörur beint úr tollvörugæmslu innflytjenda.

8. gr.

Verslanir Friðhafnarinnar séu aðskildar frá birgðaskemmum og verði varningur sem afhentur er verslunum frá birgðaskemmum, reiknaður á útsöluverði verslananna.

Í birgðaskemmum skal fært birgðabókhald, sem sýni nákvæmlega birgðir hverju sinni, enda sé þess vandlega gætt, að sem greiðastur aðgangur verði að samanburði birgða verslana og birgðaskemma. Birgðir Friðhafnarinnar skal telja svo oft, sem ástæða er til og fært þykir og skal niðurstaða talningar send utanríkisráðherra og tollgæslunni á Keflavíkurflugvelli hverju sinni.

9. gr.

Friðhöfnin skal selja varning sinn í erlendum gjaldeyri, þó með þeirri undantekningu, að Íslendingum skal heimilt að versla í Friðhöfninni fyrir þann íslenska gjaldeyri, sem þeim á hverjum tíma er leyfilegt að hafa með sér úr landi.

Erlendum flugfarþegum skal einnig heimilt að versla fyrir allt að þeirri upphæð í íslenskum gjaldeyri, sem þeir geta sýnt kvittun fyrir, að hafi verið keypt í íslenskum banka.

10. gr.

Ef flugvél er komin af stað frá flugvellið, en verður af einhverjum orsökum að snúa aftur, skulu tollgæslumenn taka í sínar vörslur vörur, sem keyptar hafa verið í Friðhöfninni eða gæta þess, að ekki sé farið með þær út úr flugvélinni.

11. gr.

Friðhöfninni er heimilt að senda vörur í pósti til viðtakenda búsettra erlendis, í samráði við tollfyrirvöld, enda hafi varan verið greidd fyrir fram.

Tollgæslan skal bera ábyrgð á, að réttar vörur séu sendar samkvæmt pöntunum og bera ábyrgð á, að vörunum sé komið í hendur pósthjónustunnar.

Útfylla skal afgreiðsluseðla vegna póstsendinga þessara og skulu tollgæslumaður og póstafrgreiðslumaður staðfesta með undirskrift sinni móttöku vörunnar fyrir hönd kaupanda.

12. gr.

Ef Friðhöfnin hefur í birgðum sínum illseljanlegar eða gallaðar vörur, er henni heimilt að selja þær til þeirra aðilja hjá varnarliðinu, sem rétt hafa til innkaupa, fyrir erlendan gjaldeyri.

Sala þessi skal fara fram undir eftirliti tollgæslu.

13. gr.

Frankvæmdastjóri fjármála hefur yfirumsjón með færslu bókhalds Frihafnarinnar.

Fríhöfnin skal árlega senda utanríkisráðuneytinu sérstaka áætlun ásamt greinargerð um tekjur og gjöld Frihafnarinnar.

14. gr.

Fríhöfnin skal að jafnaði eigi sjaldnar en vikulega selja til banka allan innkominn erlendan gjaldeyri.

Reglugerð þessi er sett samkvæmt lögum nr. 47 frá 11. júní 1960, um tollvöru-geymslur o. fl., sbr. breyting á þeim lögum, nr. 61 frá 12. maí 1970, og öðlast hún gildi þegar í stað.

Jafnframt fellur úr gildi reglugerð nr. 5 frá 12. janúar 1971 um tollfrjálsar verslanir á Keflavíkurflugvelli á vegum ríkisins.

Utanríkisráðuneytið, 17. júlí 1978.

Einar Ágústsson.

Páll Ásg. Tryggvason.

AUGLÝSING

um staðfestingu sjávarútvegsráðuneytisins á verðgrundvelli á kolmunna- og spærlingsafurðum fyrir tímabilið frá 16. júlí til 31. desember 1978.

Með skirskotun til laga nr. 72 28. maí 1969, um Verðjöfnunarsjóð fiskiðnaðarins og samkvæmt tillögum stjórnar Verðjöfnunarsjóðs, hefur ráðuneytið staðfest eftirfarandi verðgrundvöll á kolmunna- og spærlingsafurðum fyrir tímabilið frá 16. júlí til 31. desember 1978:

Mjöl \$ 6.60 á próteineiningu í lest.

Lýsi \$ 460.00 fyrir hverja lest.

Verðbil verður 8%.

Verðin miðast við cif., og gerast upp á viðskiptagengi krónu gagnvart Bandaríkjadollar, \$ 1 = 259.80.

Greiðslur í sjóðinn miðast við 60% af verðbreytingu frá grundvallarverði að viðbættu eða frádregnu verðbili.

Verðgrundvöllur þessi er breytanlegur á tímabilinu, ef hráefnisverði verður sagt upp og því breytt.

Sjávarútvegsráðuneytið, 18. júlí 1978.

F. h. r.

Jón L. Arnalds.

Kristín Magnússon.